

Opitz, Martin: Sonnet

Vom Wolfsbrunnen bey Heidelberg (1624)

- 1 Dv edele Fonteyn mit Ruh vnd Lust vmbgeben/
2 Mit Bergen hier vnd dar/ als einer Burg/ vmbringt/
3 Printz aller schönen Quell/ auß welchem Wasser dringt
4 Anmütiger dann Milch/ vnd köstlicher dann Reben/
5 Da vnsers Landes Kron vnd Haupt mit seinem Leben/
6 Der werden Nymf/ oft selbst die Zeit in frewd zubringt/
7 Da jhr manch Vögelein zu ehren lieblich singt/
8 Da nur ergetzlichkeit vnd keusche Wollust schweben/
9 Vergeblich bistu nicht in diesem grünen Thal/
10 Von Klippen vnd Gebirg beschlossen vberal/
11 Die künstliche Natur hat darumb dich vmbfangen
12 Mit Felsen vnd Gebüsch/ auff daß man wissen soll
13 Daß alle Fröligkeit sey Müh vnd arbeit voll/
14 Vnd daß auch nichts so schön/ es sey schwer zu erlangen.

(Lyrikkompass: Sonnet

Vom Wolfsbrunnen bey Heidelberg. Abgerufen am 17.07.2025 von
<https://www.lyrikkompass.de/poems/10677>)